

Powšitkowne WOZJEWJENJA

njedźelu, 7. januara 2018

Hodowny koncert w Chrósćicach

Tradicionalny hodowny koncert Chrósćanskeho cyrkwinskeho chóra z instrumentalistami a młodostnymi wotměje so tutu njedźelu, 7. januara, w 14 hodź. w tamnišej wosadneje cyrkwi. Nimo woblubowanych znatych serbskich hodownych spěwow zaklinča tež někotre łaćonske. Wšitcy su wutrobnje do Chrósćic přeprošeni.

Dalše městna za jězbu do Dachauwa

Za jězbu do Dachauwa a Mnichowa skladnostnje 75. posmjertnin zbožneho kapłana Alojsa Andrickeho, na kotruž su młodostni wot 9. lětnika wot soboty do njedźele, 3. do 4. februara, přeprošeni, buchu zarjadowarjej, Towarstwu Cyrila a Metoda z.t. z Worklečanskim dekanatnym dušepastyrstwom za młodžinu, někotre přidatne městna k přenocowanju poskićene. Tohodla móža so dalši zajimcy hišće hač do pónđzele, 15. januara, we Worklecach přizjewić, telefonowe čisło (03 57 96) 9 55 95 abo z mailku na don.boskowsky-dom@t-online.de. Płaćizna jězby wučinja na młodostneho 40 eurow.

Mandźelske seminary w lěće 2018

Přizjewjenja za seminary k přihotej na mandźelstwo přijimuju so pisomnje hač do 19. januara 2018 w dekanatnym dušepastyrstwje we Worklecach, Młynski puć 4. Formulary k tomu wuleža w cyrkwjach. Nańdžeće je tež pod www.posol.de

Putniska jězba do Słowakskeje

Serbska putniska jězba do mało znateje Słowakskeje přewjedže so lětsa wot srjedy, 4. julija, hač do pónđzele, 9. julija, z Tereziju Kubašec a fararjom Geratom Warnarjom. Wobdźělnicy zeznaja lud a kraj pod Wysokimi Tatrami. Hotel změja w Levoči. Wot tam wobdźěla so na putnikowanjomaj na Marijansku horu a do Litmanovy, wopytaja Prešov a Košice a móža so wot Tatrow wobkuzlać dać. Přizjewjenja přijimuje Šmitec wozydłownistwo w Radworju, telefonowe čisło (03 59 35) 28 60. Nadrobnosće k putniskej jězbyje poda tež Baćoński farar Gerat Warnar.

Lětsa štyri putniske jězby

Na jězbu z lětađlom přeprošuju zajimcow lětsa wot njedźele, 10. junija, do pjatka, 22. junija, do Georgiskeje a Armenskeje. Dalše putniske jězby z busom powjedu wot srjedy, 4. apryla, do štwórtka, 12. apryla, do Lourdesa; wot srjedy, 23. meje, do njedźele, 27. meje, do Wrocławja a Krakowa kaž tež wot soboty, 29. septembra, do srjedy, 3. oktobra, ke Gardaskemu jězorej a do Venediga. Nadrobnije informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mnje w Hórkach, Sydlišćowu puć 2.

Maćij Hadank